



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Novum Gratiae Prodigium: Sive Vita Venerabilis Matris,
Sororis Joannæ à Jesu Maria Monialis Præcipui D. Claræ
Coenobii In Bvrgos**

Ameyugo, Francisco de

Coloniæ Agrippinæ

Caput I. De ejus Patria Parentibus & Nativitate.

urn:nbn:de:hbz:466:1-37120



LIBER PRIMUS
DE VITA VENERABILIS VIRGINIS
SOR. JOANNÆ
à JESU MARIÆ.
Ab ejus Natali usque ad Conjugium.

CAPUT I.

*De ejus Patria, Parentibus &
Nativitate.*

*Urbs Jo-
anna na-
talis elo-
gium.*

REL cujuslibet virtus debet
secundum rectum rationis
judicium, ex ejusdem opera-
tione defumi. Bona arbor, bona
tellus, ex fructibus ac germine uti-
que æstimari debet, quemadmo-
dum terra Hevilat, à præstantissi-
mo celebratur auro: pari ratione
quævis Urbs ac Regio, à præclaris
facinoribus, à virtute ac sancti-
monia incolarum cum antecesso-
rum, tum succedentium, cele-
branda, laudanda, æstimandaque

est. Hanc ob rem Urbs Burgensis
Castiliæ Metropolis, & præcipuum
fundamentum Coronæ Hispanæ,
cæteris omnibus hujus regni Civita-
tibus est anteferenda. Ingentem e-
quidem hæc Urbs famam assecuta
est, ceu Regum Mater, qui hîc in
terris dominati sunt; at longè ma-
jori famæ præconio gaudet, velut
Mater multorum Sanctorum, qui in
Cœlis cum Deo regnant in æternū.
Illa temporanea & in transitu est,
hæc perseverans, manet in æternum.

Subinde tamen Urbs Burgus ce-
lebre admodum & peculiare decus,
nomenque adeptæ est ex eo, quod
in ea nata, primam lucem vidit, vi-
xit, devixitque purissima Virgo,
pru-

Δ

prudētissima conjux, honoratissima Vidua, & perfectionis summæ Sanctimonialis, quæ omni in statu, labis expers virgo, omni tempore eximia Martyr fuit; Venerabilis Mater, Soror Joanna à JESU MARIA, ante Joanna Rodriguez dicta.

*Tempus
Nativitatis
Sor. Joanna.*

Nata est Anno 1564. 30. Januarii, qua die Burgi semper solenni ritu summoque plausu colitur festivitas Gloriosi cælestis Elefines, seu Adelhelmi, qui fulgidi instar Phosphori, eluxit in ordine Divi Benedicti. Sanctus hic ad instantiam Alphonsi Sexti Regis Burgum velut incola advenit, ac totâ vitâ suâ præclaro exemplo & doctrinis eam Urbem illustravit, ac post mortuus, exuviis corporis sui ditavit, per multisque decoravit miraculis.

Fertur in antiquissimo Divi Joannis Evangelistæ Cœnobio Abbas fuisse. Hoc temporis est illud, celeberrima Paræcia nomine S. Elefines insignita. Sanctus iste fuit omni tempore Burgensium Pater fidelis; quamobrem, iidem grati velut filii, Sanctum Elefines pro Patrono ac tutelari habent, ejusdemque annuam festivitatem devotè ac summo cultu celebrant; haud dubium, quin gratitudo hæc, quam sanctis exhibemus, Deo summè accepta est, ad ejus quoque gloriam & utilitatem nostram cedit.

Eâ perquam celebri die, Burgi primum illuxit Sor. JOANNA à JESU MARIA velut stella primæ magnitudinis, quæ suo jubare Bur-

genes ut illa tres Magos, ad JESUM DEUM nostrum finemque ultimum deductura esset, quæque suâ humilitate ac sanctitate esset instar Pygmæorum Tyri (Ezech. 27. v. 11) decus, robur, & murus inexpugnabilis natalis suæ Urbis.

Parentes illi fuere Nobiles genere: Patri nomen erat Joannes Rodriguez, Matri Joanna de la Fuente. Ille erat ortu Nobilis, loco terræ de Monion Regionis de Campos. Hæc itidem Nobilis è Montibus, & Familiâ Colindres; Ambo hi matrimonio juncti erant Burgi, ubi prædivites mercatores fuere, indulgit eis Divina Majestas filium, cui Laurentio Rodriguez nomen erat, & duas filias, Elisabetham, nostramque JOANNAM à JESU MARIA: Multum interest, ait Div. Ambr. (lib. 1. in Luc.) ut principium hominis laude digni à virtute & justitia derivetur, ut virtus cū sanguine ei connascatur, & coheres fiat. Ea propter priusquam Sanctus Lucas Præcursoris Christivitam describeret, Parentum ejus justitiam & sanctitatem nobis exposuit. Nos nolumus à vestigiis hujus Sancti Evangelistæ discedere. Quin potius priusquam de præstantissimis virtutibus Ven. Sor. Joannæ tractemus, aliquid de Parentibus ejus dicemus; & probabimus quod virtus in eam quodammodo cum sanguine transfusa sit, donec omnes in hoc Electionis vase capedines, crystallinâ puritatis ac sanctimonie abyssu replerentur.

Fortu-

*Eorundem
encomium.*

Fortunatos hosce Conjuges Jo-
annem Rodriquez & Joannem de la
Fuente possumus cum Ecclesiastico
(*Eccle. 31. v. 9.*) aptissime beatos di-
vites appellare; quandoquidem
ii non ut plerique alii post aurum
abièrè, nec spem suam locaverunt
in pecunia & thesauris; sed magis
satagère in celo, quàm hic in terris
thesauros aggerere. Tempus suum
prius christianè partiti sunt; &
quidem mundo minimam, potio-
rem verò Deo partem tribuebant.
Matutinum ferè in templis, audien-
dis cum devotione Missarum sacri-
ficiis transigebant, Vespere, prius-
quàm quieturi cubitum concede-
rent, separabantur ab invicem ho-
rè spatio, ad vacandum precibus
ac piis meditationibus. Apprimè
devoti fuèrè, atque cupidi lectio-
nis spiritualium librorum, non sine
ingentì animarum suarum fructu.

*Recreatio
vespertina
qualis.*

A cœna haudquaquam concede-
bat Joannes ad orchestram luso-
riam (quæ scaturigo est ingentium
malorum) sed continebat se domi
suæ, atque ut tempus utiliter fal-
leret, iussit quempiam unum ser-
vorum, Historiam Divi Francisci,
aut aliquem alium pium librum præ-
legere, quam lectionem omnes do-
mestici summo studio ac cupidita-
te audire. Optima sanè fallendi
temporis ratio est, dum cum emo-
lumento fructuque animum diver-
timus. Insigni etiam flagrabat unà
cum uxore sua ardore frequentis
Confessionis Communionisque se-
quebantur domestici eorum vesti-
gia sedulo, siquidem bonum exem-

*Sacramen-
torum fre-
quens usus.*

plum Præsidum, præclara est sub-
ditorum instructio.

His in ædibus, non solum nulla
audiebatur temeraria juratio,
sed nè quidem ullum mendacium
aut leve murmur. Effecit hoc bo-
num exemplum Dominorum, quo-
rum os, ut sapientum, in corde erat,
sicut è contra cor fatuorum est in
ore illorum, (*Eccle. 21. v. 29.*) lin-
gua eorum juxta illud (*Psal. 44. v. 2.*)
sicut calamus scribæ velociter scri-
bentis nimirum, qui nihil scribit,
nisi quod bene ponderavit & medi-
tatus est. Tali pacto nullum ex ore
ipsorum verbum exiit, nisi libratiss
prius, probè suis momentis, re-
rum circumstantiis, loci, perso-
narum ac temporis. Cum primis de
nullo malè loquebantur, quam-
obrem passim amabantur, magna-
que erant in æstimatione homi-
num. Anteibat tamen omnes
alias virtutes eorum, præcipuus in
pauperes amor, quibus liberaliter
suas opes elargiebantur. Præ-
ter, continuas eleemosynas, quas ex-
tra domum faciebant, tenuère domi
suæ pauperem anum, parvamque
puellam orphanam; Cujus et-
iam majorem habuère curam, quàm
propriorum liberorum. Utramque
etiam pauperem honestè convesti-
tam, ad prandium cœnamque, spe-
ciali charitate, mensa suæ adhibuè-
re. Singulari tamen compassione
dilectioneque in orphanam illam
puellam ferebantur. Tempore Hye-
mali, si quando ad focum vespere
se calefacerent, eandem blandissi-
mè, ponè se igni admovebant; Eius-
modi

*Custodia
oris ac lin-
guæ.*

*In paupe-
res amor
ac benefi-
centia.*

modi sanctis operibus fideles hosce
Conjuges, ac talis filia parentes
dignatus est Altissimus. Benedixit
terram istam Deus, ad producen-
dum tam pulchrum, ac fragrantem
flosculum, fructumque lectissi-
mum, secundum cor suum ac bene-
placitum.

*Joanna
corporis
habitus.*

Non solum tam nobili sanguine
ornata est nostra Soror Joanna, sed
singulari miraque pulchritudine et-
iam donata. Statura fuit longâ, atq;
concinna; Facies ei plena, gravis,
suavis, pulchra; oculi cœrulei ac
grandiſculi, membris denique a-
liis, omnibus numeris suis perfecti.
Indoles ejus affabilis, natura ſynce-
ra, ſuavitas in agendo, efficiebat
ut ab omnibus intime amaretur, ac
honoraretur. Talibus naturæ do-
nis, Sponsam suam decoravit Deus,
voluitque per crystallum corpo-
ris, perfectionem, ac puritatem ani-
mæ ejus patefacere. Sacro-Baptis-
mi latice abluta est in Parochia San-
ctorum Cosmæ & Damiani, in quo
Joannæ nomen accepit, utpote,
quæ teneris ab annis, magna Divi
Baptistæ Joannis imitatrix esset fu-
tura. Cognomen habuit à suo Pa-
rente, & dicta est in sæculo Joanna
Rodriguez; at posteaquam Virgo
MARIA eam JESU Salvatori no-
stro copulavit, appellata deinceps
est, JOANNA à JESU
MARIA.

* * *

*De prænunciis sanctitatis Sororis Jo-
annæ. Ejus educatio; & sancta in
infantia exercitationes.*

PERfectio magnorum, mira pa-
trantium Divorum seu Thaumatur-
gorum, sæpe singularibus osten-
tis præsignata fuit. Priusquam Or-
bi primum illuxisset manẽ, Divina
vox intravit, atque Angelis, pul-
chritudinem lucis annuntiavit,
(Gen. i. v. 3.) ut in hac pulcherrima
creatura bonitatem ac sapientiam
ejus Conditoris contemplarentur
ac laudibus celebrarent. Ante le-
gem gratiæ, Angeli ac Prophetæ,
velut cœlestes quædam cantatrices
aviculæ, Christi veræ lucis mundi
adventum præcinnere. Pari ratione
honorat Deus magnos sanctos,
quando ordinat, ut eorum sanctita-
tem, vel prophetia quæpiam, vel
miracula, sive ante, seu post ortum
eorum, perinde ac lucifer solis lu-
men, prænunciet. Hac in præroga-
tiva, nihil defuit Sorori JOANNÆ
à JESU MARIA. Siquidem per
duas miraculosas prænunciationes
ejus admiranda sanctitas præsigni-
ficata fuit ac prophetata. Imprimis
vaticinata est de ea, Diva Mater
Theresia, quæ velut Angelus in car-
ne, ac velut Seraphinus in amore
fuit. Hæc illuminatissima Virgo
Burgum advenerat, quod illic suæ ar-
dentissimæ charitatis incendia dif-
funderet latius, ac Divi Josephi
Cœnobium fundaret, quod hodie-
que

*Magno-
rum SS. or-
tus præce-
dere solent
præsigna.*

*Joanna
sanctitas
prædicitur.*